

NALUNAARUTIT - Grønlandsk Lovsamling

Serie C-I

Kommunini ilinniartitsisut angalasartut

pillugit

isumaqatigiissut

Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisissaanni nr. 21-mi, 18. december 2003-meersumi § 47, imm. 1 naapertorlugu Naalakkersuisut aamma Ilinniartitsisut Meeqqat Atuarfianneersut Kattuffiat, IMAK, kiisalu Kalaallit Nunaanni Meeqqat Atuarfianni ilinniartitsisut il.il. isumaqatigiissut tunngavigalugu atorfeqartut pillugit isumaqatigiissut ataaniittoq isumaqatigiissutigineqarpoq.

§ 1

Atuuffia

Isumaqatigiissut una kommunini atuarfinnik ingerlatsinermi ilinniartitsisunut angalasartunut atuuppoq.

§ 2

Atorfinitsitaanermi atugassarititaasut

Atuuffimmi nalunaaquttap akunneri suliffiusut ukiumut 2080-iupput.

§ 3

Suliffiup sivilisussusia.

Suliffiup sivilisussusia il.il. Kalaallit Nunaanni meeqqat atuarfianni ilinniartitsisut il.il. piffissaq suliffissaat pillugu isumaqatigiissummi § 6-imi aamma § 7-imi 27. august 2014-imeersumi allaqqasoq atuuppoq, ilinniartitsisoq angalasartoq ilinniartitsissummi ataatsimi arlalinniluunniit kommunimi atuarfimmi ataatsimi imaluunniit atuarfinni arlalinni ilinniartitsisarpat.

Imm. 2. Timelærerinik siunnersuinnermut atatillugu nalunaaquttap akunnerata affaani siunnersuineq tapeqartinneqartarpoq. Tassani tiimit atukkat naatsorsukkat faktor 2 tunngavigalugu naatsorsoqqinneqassapput.

Imm. 3. Allaffissornikkut suliasat faktor 1 tunngavigalugu akissarsissutigineqassapput.

Imm. 4. § 2-mi nalunaaquttap akunnerisa amerlassusissaat aalajangersarneqarsimasut sinnerlugit sulisoq sulissappat, malittarisassat ilinniartitsisunut sukkulluunniit atuuttut atuutissapput.

§ 4

Ilassut

Ilinniartitsisutut angalasartutut atuunnermi ukiumut tunngaviusumik tapi immikkut ittoq kr. 7.260-iuvoq (1. april 1991-imi akit tunngavigalugit).

Imm. 2. Atorfiup avataani nalunaaquttap akunnerani ataatsimi sulinnermi ukiumut tunngaviusumik tapi kr. 14,70-iuvoq.

Imm. 3. Taassuma saniatigut ilinniartitsisut angalasartut timelærerinik aamma / imaluunniit atuarfiup suliap tungaatigut ineriartornissaa siunertaralugu iliuusissatut pilersaarutinik suliaqarnermut pegataasut ukiumut tunngaviusumik tapiat kr. 14.52-iuvoq (1. april 1999-imi akit tunngavigalugit).

§ 5

Sulinnermut atatillugu angalanerit

Kalaallit Nunaanni tjenestemandinut malittarisassat atuuttut naapertorlugit ullormusiaqartitsisoqassaaq il.il.

§ 6

Atugassarititaasut allat

Aningaasarsianut atorfinitsitaanermullu attuumassuteqartunut allanut tunngatillugu tjenestemandinut Namminersorlutik Oqartussani aamma kommunini malittarisassat sukkulluunniit atuuttut aamma Kalaallit Nunaanni meeqqat atuarfianni isumaqatigiissuteqarlutik atorfilinnut malittarisassat sukkulluunniit atuuttut malinneqassapput.

§ 7

Atuutilersitsineq il.il.

Isumaqatigiissut ulloq 1. august 2011 atuutilerpoq. Isumaqatigiissutip atuukkunnaarfissaa qaammatinik pingasunik sioqqullugu kallerriinikkut isumaqatigiissut illuatungeriinnit atorunnaarsinneqarsinnaavoq.

Nuuk, ulloq 27. marts 2015

ASA/ØPS jr. nr. 16 33/171/2015

Ilinniartitsisut Meeqqat
Atuarfianneersut Kattuffiat
(IMAK)

Naalakkersuisut

eb.

Sivso Dorph

Michael Würtz